

ամսոյ՝ 1087 (1671) : Տեսեալ Մարտիրոսի թէ ոչ կարաց  
 հանել յնշխարէ : զպատիւ Պատրիարքութեան Երուսա-  
 ղէմի, նստաւ 'ի Կոստանդինուպօլիս յեկեղեցի Ս. Աստ-  
 ոածածնի, անուամբ նոր իմն պատուոյ, կոչելով զինքն  
 առաջնորդ Երուսաղէմի անկախ յնշխարէ, և ժողովէր  
 զտուրս ժողովրդեան՝ զոր տային յեկեղեցիս վասն Սուրբ  
 Յակոբայ, զորս ծախեաց 'ի պէտս փոփոխութեան Պատ-  
 րիարքաց այնր աթուոյ : Ի ժամանակի այսմ աղմկալից և  
 անդարմանելի խռովութեանց, Տոսիթիոս պատրիարքն  
 Յունաց ժամ բարեպատեհ գտեալ՝ ձեռնարկեալ նորո-  
 գեաց զեկեղեցին Բեթղէհէմի, զոր արդէն թափեալ էր 'ի  
 ձեռաց Լատինաց՝ որ և 'ի բազում տեղիս փոփոխեալ այ-  
 լայլեաց զառաջին ձեռ եկեղեցւոյն . սակս իւրացուցանելոյ  
 ինքեան՝ փակեաց զառաջին դրունս և եբաց նորս . ան-  
 ջըբրպետեաց զդասն 'ի սինագարդ գաւթէն, յաւուրս  
 Վէզիրութեան Քէօպրիւլիւ օլլու Ահմէտ Փաշայի (1672) :  
 Իսկ Գաղղիացի պատմիչն եկեղեցեաց Ս. Երկրին Վօկէէ  
 ասէ, թէ յաւուրս Քէօպրիւլիւ Վէզիրին լեալ իցէ նորո-  
 գութիւնն և հազիւ զերծեալ եկեղեցին 'ի կործանմանէ .  
 սակայն 'ի սոյն թուականի Քէօպրիւլիւ Վէզիրն արդէն  
 մեռեալ էր, և 'ի տեղի նորա անցեալ որդի նորին Ահմէտ՝  
 որպէս գրեցաք 'ի վեր անդր, վարեալ զիշխանութիւն  
 Վէզիրութեան ամս 15 :

### Գ Լ Ո Ւ Խ Ծ .

Վէճ՝ այլազեաց Երուսաղէմի . Գիւղահանք Բեթղէհէմի : Մարտիրոս  
 վարդապետ : Ս. Ղազգի դռնապանք : Վէճ՝ այլազեաց փսնն գերեզմու-  
 նատան : Գալ Յակոբայ Կաթուղիկոսի վերտին 'ի Կոստանդինուպօլիս .  
 գրէլ նորս թուղթ յԵրուսաղէմ՝ առ Եղիազար, և վախճան նորին :  
 Մարտիրոս վարդապետ և վախճան նորին :

**ՈՄԱՆՔ** յայազգեաց բնակելոց յԵրուսաղէմ, հակա-  
 ոակեալ ընդ միաբանս Ս. Յակոբայ, յարուցին վէճս, և  
 բողոք կալեալ առ դատաւորն ասեն . որմն Ս. Հրեշտակա-